

Johtočála 2025-25

Dáhton: 01.07.2025

Buhtada johtočállaga: 2024-25

Boazodoalu ovdánahttininfoandda njuolggadus kapihttal 1, iešguđetlágan ovddidandoaimmat – kommentárat njuolggadussii

Kommentárat ja čilgehusat obbalaš doarjjamearrádusaide Boazodoalu ovddidanfoandda ja iešguđetlágan ovddidandoaimmaid doarjagiid birra.

Sisdoallu

Láidehus	3
Obbalašgovva rievdadusaid badjel	3
Rievdadusat mat čuvvot Boazodoallošiehtadusa 2025/2026	3
Iešguđetge hálddašanorgánaid rolla doarjjameannudeamis	3
Geat sáhttet ohcat doarjaga BOF-njuolggadusa vuodul?	3
Njuolggadusa mearrádusat	4
§ 1-1. Ulbmil	4
Kommentárat mearrádussii	4
§ 1-2. Oktasašmearrádusat buot doarjjaortnegiidda	4
Kommentárat mearrádussii	5
§ 1-3. Boazodoalu ovdánahttininfoandda stivra	5
Kommentárat mearrádussii	5
§ 1-4. Ekonomalaš rámmat	6
Kommentárat mearrádussii	6
§ 1-5. Raporteren	7
Kommentárat mearrádussii	8
§ 1-6. Doaibmaviidodat	8
Kommentárat mearrádussii	9
§ 1-7. Oktasaševttut	9
Kommentárat mearrádussii	10
§ 1-8. Gáibádusat ohcamuššii	10
Kommentárat mearrádussii	11

§ 1-9. Áššegiedahallan	11
Kommentárat mearrádussii.....	11
§ 1-10. Máksin	12
Kommentárat mearrádussii.....	12
§ 1-11. Diedihangeatnegasvuohta ja bearráigeahčču	13
Kommentárat mearrádussii.....	13
§ 1-12. Boasttomáksimiid njulgen.....	13
Kommentárat mearrádussii.....	14
§ 1-13. Unnideapmi ja doarjaga dollen	16
Kommentárat mearrádussii.....	16
§ 1-14. Ruovttoluottamáksin- dahje unnidansupmi gáibideapmi	20
Kommentárat mearrádussii.....	21
§ 1-15. Váidin.....	22
Kommentárat mearrádussii.....	22

Láidehus

Eavttut oažžut doarjaga Boazodoalu ovdánahttininfoanddas (BOF) bohtet ovdan [Boazodoalu ovdánahttininfoandda njuolggadusas](#).

Njuolggadusas lea láhkavuodđu Stuoradikki jahkásaš mearrádusas boazodoallošiehtadusa birra ja boazodoallolága § 82a.

Kommentárat dan johtočállagis leat kommentárat njuolggadusa 1. kapihttalii mii čuovvu boazodoallošiehtadusa rievdadusaid šiehtadanjagi 2025/2026 ovddas, ja lea gustovaš suoidnemánu 1. beaivvi 2025 rájes. BOF-njuolggadusa kapihttal 1 addá obbalašgova Boazodoalu ovdánahttininfoandda iešguđetlágan doarjjaortnegiid badjel, ja dat sisttisdoallá obbalaš mearrádusaid mat gusket buot njuolggadusa doarjjaortnegiidda.

Obbalašgovva rievdadusaid badjel

Rievdadusat mat čuvvot Boazodoallošiehtadusa 2025/2026

§ 1-4. Ekonomalaš rámmat

Šiehtadanbealit leat ásahan bajit doarjjaproseantta mii lea 65 proseantta BOF doarjjaortnegiin. Bajit doarjjaproseantta guoská buot ortnegiidda, jus eai leat eará mearrádusat, ovdamearkka dihte sierra mearrádusat, dahje njuolggadusat maid BOF-stivra lea mearridan. BOF-stivra sáhttá ovttaskas áššiin spiehkastit dan proseanttarájis jus háliidit spiehkastit máksomearis ja bistevas práksisa ii ásahuvvo dan dihte sullasaš doaimmaide.

§ 1-6. Doaibmaguovlu

Šiehtadanbealit leat šiehtadan rievdadit vuoruhuvvon ortnegiid vrd. nubbi lađas. c. Boares bustávva c, mii lei struktuvrralaš doaimmaid birra, lea sihkkojuvvon vrd. nubbi lađas. d. Boares bustávva d lea dál bustávva c, dat lea rievdaduvvon fátmastan dihte lassioahpuid. g. Boares bustávva g, lassioahpuid birra, lea sihkkojuvvon ja lasihuvvon ođđa bustávva c mearrádussii.

Iešguđetge hálddašanorgánaid rolla doarjjameannudeamis

Boazodoalu ovdánahttininfoandda stivra lea vuosttaš instánsa meannudit ohcamušaid njuolggadusa mielde, vrd. §§ 1-3 ja 1-9. Eanandoalldirektoráhtta lea foanddastivrra čállingoddi. Eanandoalldirektoráhtta meannuda daid áššiid hálddahuslaččat, main ohcansubmi lea vuollel 200 000 ruvnno ja main eai leat prinsihpalaš čuolmmat, ja diehtu áššemeannudeamis sáddejuvvo BOF-stivrii.

“Prinsihpalaš čuolmmaiguin” oaivvilduvvojit áššit main áššemearrádus sáhttá váikkuhit sullasaš áššiide, ja áššit main ii leat sihkar gullá go doaibmabidju BOF-njuolggadusaid vuollái. Prinsihpalaš áššit sáhttet maidái leat áššit main ohcansubmi lea vuollel 200 000 ruvnno.

Geat sáhttet ohcat doarjaga BOF-njuolggadusa vuodul?

Ii leat namuhuvvon geat sáhttet ohcat doarjaga njuolggadusas kapihttal 1, vrd. § 1-6 nubbi lađas. Dakkár oktavuodain mearrida njuolggadusa ulbmil, listtu doaibmabijuin maidda sáhttá ohcat doarjaga § 1-6 ja oktasašeavttut § 1-7 doarjaga juolludeami.

Juohke okta ášši galgá konkrehtalaččat árvvoštallojuvvot. Dan árvvoštallamis sáhtta eaktu § 1-7 – mii lea dan birra ahte ohccojuvvon doaibmabidju galgá ovddidit boazodoalu orohagas ja guovllus – sisttisdoallat ráddjema dasa, ahte gii sáhtta ohcat.

Doarjjaohcamuša meannudeapmái gusket hálddašanlága mearrádusat. Njuolggadusat, johtočállagat ja ohcanskovit iešguđetge doarjjaortnegii gávnnat Eanandoalldirektoráhta neahttasiiddus.

Njuolggadusa mearrádusat

§ 1-1. Ulbmil

Boazodoalu Ovddidanfoanda galgá ekonomalaš gaskaomiid geavaheamis váikkuhit ovddidit boazoealáhusa boazodoallopoltihkalaš ulbmiliid ektui.

Gáldu: [Forskrift for Reindriftens Utviklingsfond](#) (Lovdata)

Kommentárat mearrádussii

Váldoulbmil boazodoallopoltihkalaš mihtuin lea ovdánahttit boazodoalo ekologalaš, ekonomalaš ja kultuvrralaš guoddevaš ealáhussan, vrd. boazodoalloláhka § 1 ja Stuoradiggedieđáhus 32 (2016-2017) “Reindrift - Lang tradisjon – unike muligheter” (dán rájes stuoradiggedieđáhus). Olahan dihte ulbmila leat boazodoallolágas dihto geatnegasvuođat boazodolliide, siiddaide, orohagaide, boazoservviide ja boazodoalloeiseválddiide. BOF-njuolggadusa doarjjaortnegat galget movttiidahttit ealáhusa ja eará aktevrraid čuovvut geatnegasvuođaid boazodoallolágas ja olahit bajit mihtuid. Ovttaska mearrádusaid geavahusa BOF-njuolggadusa mielde galgá geahččat boazodoallolága § 1 oktavuodas.

Dan rájes go boazodoalloláhka 2007 fápmuduvvui leat boazodoallopoltihkalaš mihtut rievdan veahá. Gustovaš boazodoallopoltihkalaš mihtut mat bohtet ovdan Stuoradiggedieđáhusas leat earret eará:

- boazodoalloealáhusa ovdáneapmi ulbmilaš, márkanfievrredeaddji ealáhussan mii lea guoddevaš guhkit áiggi perspektiivvas
- boazodoalloealáhusa ovdáneapmi bearašvuđot ealáhussan, gos bearaš sáhtta ásahit ekonomalaš válljenvári ja friddjavuođa mearridit iežas boazodoalus
- buoridit buvttadeami seammás go váldá vuhtii ellidčálgu ja buori biergokvalitehta.
- vuhtii váldit ekologalaš guoddevašvuođa ja boazologu.

Go árvvoštallá ohcamuša mii BOF-njuolggadusaid vuodul meannuduvvo, de galgá váldit vuhtii daid mihtuid.

§ 1-2. Oktasašmearrádusat buot doarjjaortnegiidda

1. kapihtala mearrádusat gustojit buot doarjjaortnegiidda dán njuolggadusa mielde, jus eará ii leat mearriduvvon.

Doaibmajahki mearkkaša dán njuolggadusas áigodat cuoŋománu 1. beaivvi rájes njukčamánu 31. beaivvi rádjái.

Gáldu: [Forskrift for Reindriftens Utviklingsfond](#) (Lovdata)

Kommentárat mearrádussii

Vuosttaš lađas: Oktasaš eavttut

Oktasaš eavttuid mearrádus dahká čielggasin ahte oktasašeaktu § 1-7, mearrádus dárkkisteami, unnideami ja váidinvejolašvuoda birra gusto buot BOF-njuolggadusa ohcamušaide, sorjjasmeahttun makkár ortnegii njuolggadusas ohcamuš gullá.

§ 1-3. Boazodoalu ovdánahttininfoandda stivra

Njealji olbmo stivra hálldaša Boazodoalu Ovddidanfoandda. Stivra nammaduvvo guovtti jahkái hávális. Eanandoallo- ja biebmodepartemeanta nammada guokte miellahtu ja guokte várrelahtu. Norgga Boazosápmelaččaid Riikkasearvi nammada guokte miellahtu ja guokte várrelahtu.

Foandastivra disponere oasi Boazodoalu Ovddidanfoandda oppalaš juolludusas.

Eanandoalldirektoráhta lea foandastivrra čállí.

Gáldu: [Forskrift for Reindriftens Utviklingsfond](#) (Lovdata)

Kommentárat mearrádussii

Vuosttaš lađas: Stivrra oktiibidjan

Vuosttaš lađđasis lea mearriduvvon mo BOF-stivra lea biddjon oktii. Práksisa lea nu ahte Eanandoallo- ja biebmodepartemeanta (EBP) nammada jodiheaddji mas ii lea várámiellahttu, ja ovttá miellahtu mas lea persovnnalaš várámiellahttu. Norgga Boazosápmelaččaid Riikkasearvi nammada guokte miellahtu geain leat persovnnalaš várámiellahtut.

Nubbi lađas: Boazodoalu ovdánahttininfoandda oasi hálldašeapmi

Eai leat kommentárat.

Goalmmat lađas: Čállingoddi

Njuolggadus mearrida ahte Eanandoalldirektoráhtta lea BOF-stivrra čállingoddi. Eanandoalldirektoráhta geatnegasvuodat čállingoddin gávdnojit sierra bagadusas.

Jus BOF-stivra ii leat addán ovddasvástádusa ášši ovddas Eanandoalldirektoráhttii, de galgá direktoráhtta ráhkkanahhtit ášši, ráhkadit evttohusa áššemearrádussii ja ovdanbuktit ášši BOF-stivrii čoahkkimis. Eanandoalldirektoráhtta galgá raporteret stivrii áššemearrádusaid birra maid direktoráhtta lea mearridan delegerema bokte. Eanandoalldirektoráhtta ovdánahtta ja ovdanbuktá daid váidagiid, mat leat boahrán BOF-stivrra ja Eanandoalldirektoráhta áššemearrádusaide.

Direktoráhta áššemeannudeaddji sádde áššemearrádusaid maid BOF-stivra lea dahkan maŋjel go čoahkkinprotokolla dohkkehuvvo.

Gávdno sierra rutiidna mii čilge mo áššiid meannuda BOF-stivrras.

§ 1-4. Ekonomalaš rámmat

Boazodoalu Ovddidanfoandda ekonomalaš rámmat ja láidestusat mearriduvvojit Stuoradikki boazodoallošiehtadusa proposišuvnnaid ja jahkásaš stáhtabušeahta meannudeamis.

Foandastivra sáhtta hilgut ekonomalaš doarjjaohcamiid foandda ruđalaš dili vuodul.

Foandastivra sáhtta mearridit doarjjameriid ja bidjat njuolggadusaid ovttaskasortnegiidda mat gullet foandda vuollái, gč. § 1-6 nuppi lađđasa.

Sáhtta juolluduvvot doarjja gitta 65 proseantta doarjjavuodus, jus eará ii leat mearriduvvon ovttaskas ortnegii.

Earenoamáš dilálašvuodain sáhtta foandastivra spiehkastit dán mearrádusa njealját lađđasis.

Foandastivrra doaibma galgá čuovvut stáhta ekonomijahálddašemi gustovaš njuolggadusaid.

Gáldu: [Forskrift for Reindriftens Utviklingsfond](#) (Lovdata)

Kommentárat mearrádussii

Vuosttaš lađas: Ruhtadeapmi

Jahkásaččat várrejuvvojit ruđat dihto doaibmabijuide maidda sáhtta oažžut doarjaga BOF-njuolggadusa mielde. Ii leat várrejuvvon ruhta buot ortnegiidda njuolggadusaide. Jus ii leat várrejuvvon ruhta ortnegii masá ohccojuvvo, de ferte ohcamuša ruhtadeapmi boahtit ruđas man BOF-stivra lea ožžon friija disponerema dihte.

Maŋemus jagiid lea várrejuvvon oalle unnán ruhta friija disponeremii, dan dihte BOF-stivra láve ráhkadit jahkásaččat vuoruhannisttu doaibmabijuid ovddas mat galget vuoruhuvvot dan dihto jagis. Stivra (ja Eanandoalldirektoráhtta delegerejuvvon áššiin) galgá vuđolaččat vuoruhit ohcamušaid ovdal go sáhtta juolludit doarjaga.

Ohcamušaide galgá juolluduvvot rámmaid siskkobealde. Dat gusto sihke várrejuvvon ruđaide ja BOF-stivrra friija ruđaide. Rámma boahtá ovdan boazodoallošiehtadusa proposišuvnnas.

Nubbi lađas: Váldi hilgut ohcamušaid

Njuolggadus mearrida ahte doarjjaohcamušaid sáhtta hilgut foandda ruđalaš dili dihte. Dat mearkkaša ahte ohcamušaid ii sáhte hilgut § 1-4 nuppi lađđasa vuodul jus ain gávdno ruhta foanddas. Njuolggadusa sáhtta atnit ággan hilgut ohcamušaid dušše go ii leat šat ruhta foanddas.

Jus BOF-stivra lea mearridan mo friija ruhta galgá vuoruhuvvot dihto jagis, de sáhtta doarjjaohcamuš doaibmabijuide mat eai leat vuoruhuvvon hilgojuvvo, vejolaččat sáhtta ohcci bagaduvvot sáddet ođđa ohcamuša boahhtevaš jagi.

NB! Jus doarjjaohcamuš hilgojuvvo eará ákka geažil go foandda ruhtadilli, de galgá dat ágga adnot áššemearrádusa ággan. Dat leat dušše ohcamušat mat muđui devdet buot eavttuid njuolggadusas mat sáhttet hilgojuvvo § 1-4 nuppi lađđasa vuodul.

Goalmát lađas: Váldi mearridit njuolggadusaid ja doarjagiid máksomeriid

BOF-stivra sáhtta bidjat njuolggadusaid earjilortnegiidda mat gullet fondii. Suoidnemánu 1. beaivvi 2021 rájes čujuhuvvo mearrádus BOF-njuolggadusaide § 1-6 nuppi lađđasii, gos ortnegat mat eai leat ásahuvvon sierra kapihttaliin njuolggadusas. Aiddostahttin lea dahkkon dan dihte go ortnegat § 1-6 vuosttaš lađđasis leat juo ásahuvvon sierra kapihttaliin njuolggadusas, mii dagaha ahte ii berre

leat dárbu dievasmahttit njuolggadusaid daid ortnegiid ovddas. Muhtun doaibmabijuide sáhtta BOF-stivra mearridit njuolggadusaid doarjjameroštallamii ovttaskas ortnegii. Ovdamearkka dihte sáhtta BOF-doarjja mearridit njuolggadusaid doarjaga meroštallamii go lea vásihan stuora boazovahága lihkohisvuoda geažil vrd. kapihttal 2.

BOF-stivra lea maid ráhkadan mearrádusaid doarjjaortnegii boazodoallorusttegiidda vrd. kapihttal 3, maŋemusat reviderejuvvon RUF-áššis 75/24. Vaikko mearrádus ii leat láhkavuoddu njuolggadusa mearrádusain, de dat čájehit ásaheavvon práksisa ja málleásahuvvon meannudeami boahhtevaš sullasaš ohcamušaide ovddosguvlui. Mearrádusat doibmet bagadeaddjin sihke ohcciide ja hálddahussii, ja sihkkarastá ahte áššit meannuduvvojit seamma láhkai.

Suoidnemánu 1. beaivvi 2026 rájes leat čuovvovaš doarjjaortnegiin sierra njuolggadusat maid galgá čuovvut, vrd. § 1-6 nubbi lađas:

- a. Boazodoalu areála sihkarastin, maŋemusat reviderejuvvon BOF-áššis 49/18
- e. Doarjja nissonolbmuid guoski doaibmabijuide, maŋemusat reviderejuvvon BOF-áššis 56/25
- g. Dutkan ja diehtogaskkusteapmi (Váldoprioriteremat ja njuolggadusat), gohčoduvvon «Handlingsplan for FOU-midler fra Reindriftens Utviklingsfond», maŋemusat reviderejuvvon BOF-áššis 88/18
- h. Doarjja heiveheapmái nu ahte boazoeaiggadat geain lea doaibmahehttejuvumi sáhttet searvat boazodoalloaidda, mearriduvvon BOF-áššis 80/22
- i. Doarjja boares áiddiid rádjami, mearriduvvon BOF-áššis 74/24
- j. Doarjja olbmuid geain leat bohccot iežas mearkkas ja geat čállet boazodollui guoskevaš masterbarggu, maŋemusat reviderejuvvon BOF-áššis 58/24

Juohke ovttá doarjjaortnega njuolggadusat gávdnojit Eanandoalldirektoráhta neahttasiiddus [doarjjaortnega](#) vuolde. Njuolggadusat daidda doarjjaortnegiidda main ii leat sierra siidu neahttasiidduin gávdnojit [“Doarjja iešguđetlágan ovddidandoaimmaide”](#)-vuolde. Ruhtadannjuolggadusat dutkamii ja máhttogaskkusteapmái vrd. bustávva g gávdnojit [Eanandoalldirektoráhta neahttasiiddus prošektaruhtadeami](#) vuolde.

Njealját lađas: Bajimus doarjjaproseantta

Doarjaga sáhtta oazžut gitta 65 proseantta doarjjavuodus. Dat máksomearri guoská buot ortnegiidda, jus eará ii leat mearriduvvon, ovdamearkka dihte sierra mearrádusain, dahje njuolggadusain maid BOF-stivra lea mearridan. Dat mearkkaša ahte ohcci ferte gokčat iežasoasi 35 proseantta goluin. Doarjjavuoddu leat dat máksámušat ja golut mat ohccis leat doaibmabiju oktavuodas masa lea ohcan doarjaga. Makkár golut lohkkovit doarjjavuoddui guoská dasa ahte makkár doaibmabidjui ohcá doarjaga. Dábálaččat eai lohko golut doarjjavuoddui mat eai gula njuolgut dan doaibmabidjui masá ohcá doarjaga.

Viđat lađas: Njealját lađđasis dispensašuvdna

BOF-stivrii lea addojuvvon váldi dispenseret njealját lađđasa mearrádusas earkiláššiin, jus BOF-stivra háliida spiehkastit bajimus doarjjaproseanttas ásatkeahtta bistevas doarjjapráksisa ohccojuvvon doaibmabidjui.

Guđát lađas: Stivrra doaibma

Eai leat kommentárat.

§ 1-5. Raporteren

Eanandoalldirektoráhta galgá oažžut Boazodoalu Ovddidanfoandda jahkeraportta ovdal njukčamánu 15. b. juohke jagi. Raporttas galgá sistsidoallat maŋemus jagi rehketdoallu mii lea veardádallojuvvon bušeahtain ja ovddit jagiid rehketdoaluiguin, ja doaimma fágalaš árvvoštallama.

Rehketdoallu fievrreduvvo reaidoruhtaprinsihpa mielde ja Riikkarevišuvdna lea revisora.

Gáldu: [Forskrift for Reindriftens Utviklingsfond](#) (Lovdata)

Kommentárat mearrádussii

Eai leat kommentárat.

§ 1-6. Doaibmaviidodat

Boazodoalu Ovddidanfoandda ekonomalaš doarjja sáhhtá juolluduvvot čuovvovaš ortnegiid vuodul

1. doarjja mearkkašahtti boazovahágiid ovddas lihkohisvuodaid geažil, gč. kapihtal 2,
2. doarjja boazodoallorusttegiidda, maiddá gárddiide/áiddiide ja njuovahagaide, gč. kapihtal 3,
3. boazodolliid duođaštuvvon goluid buhtadussii, kurssaid/lassioahpu ja sullasaččaid oktavuodas, gč. kapihtal 4,
4. doarjja meahccemánáidgárddiide, gč. kapihtal 5, ja
5. juridihkalaš veahkki orohagaide ja siiddaide, gč. kapihtal 7.

Ekonomalaš doarjja sáhhtá muđui juolluduvvot eará doaibmabijuide, mat leat njuolggadusaid ulbmila mielde, gč. § 1-1, nugo

- a. boazodoalu guohtunvuoigatvuođa sihkkarastimii, dása gullá maiddá doarjja orohagaid bargui sihkkarastit boazodoalloeatnamiid,
- b. boazodoalu geavatlaš doaibmabijuide,
- c. fágalaš doaibmabijuide mat ovdánahttet boazodoalu, nugo bagadallamii, kurssaide, lassioahpuide, guohtuniskadeapmái, plánemii ja nálledikšumii,
- d. lassiealáhusaid ja áigumušaid ovdánahttimii, main lea oppalaš kultuvrralaš mearkkašupmi boazosápmelaččaide,
- e. doaimmaide mat ovddidit dásseárvvu ja nissonolbmuid dili boazodoalus,
- f. doarjjan boazodoalloealáhusa doaimmaide mat čuvvot dálkkádatrievdamiid,
- g. dutkamii ja máhttogaskkusteapmái,
- h. diliid lámčimii nu ahte boazoeaiggádat geain leat hedjonan doaibmanávccat sáhttet oassálastit boazobargguin,
- i. doarjja boares áiddiid ja gárddiid rádjamiid, ja
- j. 15 000 ruvdnosaš stipeanda olbmuide geain lea sierra mearka čállit boazodollui guoskevaš masterčállosa.

Gáldu: [Forskrift for Reindriftens Utviklingsfond](#) (Lovdata)

Kommentárat mearrádussii

Vuosttaš lađas: Doaibmabijut mat leat mearriduvvon sierra kapihttaliin

Dán mearrádusas lea listtu doaibmabijuid badjel maid ovddas sáhtá oažžut doarjaga kapihttaliid 2-7 vuodul. Jus doaibmabidju masá lea ohcan doarjaga fáttmastuvvo kapihttaliid 2-7, de leat njuolggadusat dihto kapihttalis mat gustojit ohcamuša meannudeapmái, kapihttal 1 dihto oppalaš mearrádusaid lassin:

- Oktasaš eavttut, vrd. § 1-7
- Gáibádusat ohcamii, vrd. § 1-8
- Áššemeannudeapmi, vrd. § 1-9
- Máksin, vrd. § 1-10
- Diedihangeatnegasvuohta ja dárkkisteapmi, vrd. § 1-11
- Boasttumáksimiid divvun, vrd. § 1-12
- Unnideapmi ja doalaheapmi, vrd. § 1-13
- Ruovttoluotta- dahje unnidansupmi gáibideapmi, vrd. § 1-14
- Váidinvejolašvuohta, vrd. § 1-15.

Nubbi lađas: Ekonomalaš doarjja eará doaibmabijuide

Doarjjavuoigaduvvon doaibmabijuid listu § 1-6 nubbi lađas ii leat ollislaš, BOF doarjja sáhtá maiddá juolluduvvot eará doaibmabijuide mat oktiivástidit ulbmiliin. Listu čujuha doaibmabijuide maid šiehtadanbealit áigot vuoruhit. Dábálaččat ii juolluduvvo doarjja eará doaibmabijuide.

Dakkár áššiin lea árvvoštallan juhkkjuuvvon golmma oassái:

- Stivra árvvoštallá doaibmabiju oktasašeavttu § 1-7 ektui. Jus doaibmabidju ii ollašuhhte dan eavttu, de galgá ohcamuš hilgojuvvon dan eavttu vuodul, árvvoštallakeahtá eará eavttuid.
- Stivra ferte árvvoštallat doaibmabiju ulbmila § 1-1 ektui. Jus doaibmabidju ii oktiivástit ulbmiliin, de galgá ohcamuš hilgojuvvot ulbmila vuodul, árvvoštallakeahtá eará eavttuid.
- Jus doaibmabidju oktiivástida ulbmiliin ja ollašuhhte oktasašeavttuid § 1-7, de galgá árvvoštallojuvvot ulbmilašvuohta juolludit doarjaga doaibmabidjui § 1-6 nuppi lađđasa (vrd. “sáhtá”-dajaldaga) ektui. Árvvoštallamat § 1-6 nuppi lađđasa vuodul gullet hálldahusa friija árvvošteami vuollai. Eanandoalldirektoráhtta ja BOF-stivra leat čadnon vejolaš vuoruhemiide maid BOF-stivra lea mearridan. Dat mearkkaša ahte vaikko doaibmabidju oktiivástida ulbmiliin § 1-1, de sáhtá BOF-stivra dahje Eanandoalldirektoráhtta árvvoštallat ahte ohccojuvvon doaibmabidjui ii juolluduvvo doarjja dan dihto áigemuttus.
- Ortnegiidda main leat sierra njuolggadusat maid Boazodoalu ovdánahttinfoandda stivra lea mearridan gustojit eavttut ja árvvoštallamat mat bohtet ovdan njuolggadusain dihto ortnega ovddas.

§ 1-7. Oktasašeavttut

Boazodoalu Ovddidanfoandda doarjaga oažžuma eaktun lea ahte doaibmabidju ovddida orohaga ja guovllu boazodoalu. Go lea dárbblaš, de ferte doaibmabiju váikkuheapmi guohtumiid guorbamii ja birrasii muđui árvvoštallot.

Lea eaktun doarjjaoažžumii dán njuolggadusa mielde ahte ohccojuvvon doaibmabidju čuovvu áigges áigái gustovaš lágaid ja lánkaásahusaid.

Gáldu: [Forskrift for Reindriftens Utviklingsfond](#) (Lovdata)

Kommentárat mearrádussii

Vuosttaš lađas: Eaktu ahte doaibmabidju galgá ovddidit boazodoalu

Vuosttaš čuokkis

Oktasašeaktun buot BOF-njuolggadusa ortnegiidda lea ahte ohccojuvvon doaibmabidju galgá ovddidit boazodoalu orohagas ja guovllus.

Das oaivvilduvvo ahte ohccojuvvon doaibmabidju galgá leat vassis sturrodagas ja leat mearkkašahtti eará boazodolliide orohagas ja guovllus. Ii gáibiduvvo ahte doaibmabidju dakkaviđe váikkuha earáide go ohccái. Ovdamearkka dihte sáhtta doarjja kursemii parasihhtadikšumii bohccos dakkaviđe váikkuhit positiivvalaččat boazoeaiggádii gii lea kurssa váldán. Áiggi mielde dat boahtá ávkin earáide orohagas go leat eambbosat geat sáhttet boahkuhit earáid bohccuid. Das šaddá lassiváikkuhus go hehte njoammuma.

Eaktu ii galgga gáržžes dulkomiin ipmirduvvot. Earret go jus ohccojuvvon doaibmabidju boahtá buorrin dušše ohccái, ii ge leat njuolggo- dahje eahpenjuolggováikkuhus earáide, de berre doaibmabidju oidnojuvvot buorrin boazodollui orohagas/guovllus.

Doaibmabidju galgá maiddá mielddisbuktit juoidá mii lea positiivvalaš ja mii ii juo gávdno orohagas/guovllus – lasihit ođđa, dárbbalaš gelbbolašvuoda, mearkkašahtti álkideami boazodollui, lasihit guohtunareálaid orohahkii je. Doaibmabijut mat rehkenastojuvvojit oassin orohaga dábálaš boazodoalus eai leat doarjjavuogaduvvon BOF-njuolggadusaid vuodul, vaikko leat buorrin olles orohahkii. Dakkár doaibmabijut sáhttet leat orohatplánaid ráhkadeapmi, golut láigohuvvon veahkkái guođoheami, johtima ja njuovvama oktavuodas, neahttasiiddu/diehtujuohkinkanála ráhkadeapmái je.

Dat lea oktasášeaktu, mii mearkkaša ahte eaktu álgoálggus galgá árvvoštallojuvvot sihke ortnegiin mat leat mearriduvvon sierra kapihttaliin (§ 1-6 vuosttaš lađas) ja eará ortnegiin (§ 1-6 nubbi lađas). Dábálaččat lea doarvái deavdit dihto kapihttala eavttuid ortnegis § 1-6 vuosttaš lađasa mielde vai oktasášeaktu § 1-7 maid rehkenastojuvvo ollašuvvan.

Nubbi čuokkis: Guohtuneatnamiid gollan ja birasváikkuheamit

Dat eaktu lea gustovaš áššiin main ohccojuvvon doaibmabidju sáhtta dagahit ahte guohtuneatnamat ja biras gollet eambo go dábálaččat. Ovdamearkka dihte, ii leat dárbbalaš árvvoštallat dan eavttu go ohccojuvvon doaibmabidju lea dohkkehuvvon suohkanis plánen- ja huksenhálddahas, go suohkan lea geatnegahtton čielggadit doaibmabiju birasváikkuhusaid ovdal go mearriduvvo lohpi hukset dahje rievdadit maidege.

Nubbi lađas

Eai leat kommentárat.

§ 1-8. Gáibádusat ohcamuššii

Doarjjaohcan Boazodoalu Ovddidanfoandda olis galgá sáddejuvvot Eanandoallodirektoráhtii ovdal almmuhuvvon áigemeari.

Jus lea ráhkaduvvon sierra ohcanskovvi ortnegii, de galgá dát geavahuvvot. Dárbbalaš duodaštusat galget biddjojuvvot ohcama mielde.

Gáldu: [Forskrift for Reindriftens Utviklingsfond](#) (Lovdata)

Kommentárat mearrádussii

Vuosttaš lađas: Ohcamuša sádden ja áigemearri

BOF-njuolggadusas kapihttal 1 ii leat oppalaš ohcanáigemearri BOF-doarjjaortnegiidda. Gávdnojit sierra ohcanáigemearit eará kapihttaliin § 1-6 vuosttaš lađđasa ortnegiidda, oktan dihto njuolggadusaiguin § 1-6 nuppi lađđasa ortnegiidda.

Sierra ohcanáigemearit leat:

- doarjja mearkkašahtti boazovahágii lihkohisvuodaid oktavuodas – 12 mánu dan rájes go lihkohisvuolta dáhpáhuvai (BOF-njuolggadus kapihttal 2)
- boazodoallorusttegat – guovvamánu 1. beaivvi ja čakčamánu 1. beaivvi
- kursagoluid refušuvdna – 6 mánu dan rájes go kursa loahpahuvvui (BOF-njuolggadus kapihttal 4)
- doarjja meahccemánáidgárdái – mánu maŋŋel go boazodoallodoaibma lea čađahuvvon (BOF-njuolggadus kapihttal 5)
- dutkanáššit, vrd. § 1-6 nubbi lađas bustávva i – čakčamánu 15. beaivvi

Nubbi lađas: Ohcanskovvi ja duodašteami

Jus ii gávdno sierra skovvi doarjjaortnegii, de ferte čállit friddjateavstta bokte ohcamuša ja sáddet boastta dahje e-boastta mielde.

§ 1-9. Áššegiedahallan

Eanandoalldirektoráhta giedahallá ohcama ja ráhkada evttohusa Boazodoalu Ovddidanfoandda stivrii.

Ohcama mearrida foandastivra. Doarjjamearrádusas sáhttet mearriduvvot sierra eavttut. Jus lea jietnadássivuolta, de lea jodiheaddjis duppaljietna. Foandastivra sáhtta sirdit mearridanválddi Eanandoalldirektoráhtii.

Gáldu: [Forskrift for Reindriftens Utviklingsfond](#) (Lovdata)

Kommentárat mearrádussii

Vuosttaš ja nubbi lađas: Doarjjameannudeapmi ja áššemearrádusat

Áššemeannudeapmi áššiin mat oktiivástidit § 1-9 vuosttaš lađđasiin geavvá dáinna lágiin:

- Eanandoalldirektoráhtta árvvoštallá ohcamuša ja ráhkkanahhtá ášši BOF-stivrii.
- BOF-stivra árvvoštallá ohcamuša ja juogo dahká áššemearrádusa, dahje sádde ášši ruovttoluotta Eanandoalldirektoráhttii viežžan dihte dieđuid dahje ođđasit árvvoštallat.
- Go BOF-stivračoahkkima protokolla lea dohkkehuvvon, de sádde Eanandoalldirektoráhtta áššemearrádusa ohccái oktan dieđuiguin váidinvejolašvuodain ja áššebáhpiriid geahčadanvuoigatvuođa birra.

Áššit main eai badján prinsihpalaš čuolmmat ja main ohcansupmi lea 200 000 ruvnno rádjái meannuda Eanandoalldirektoráhtta, geahča čuoggá “Iešguđetlágan hálddašanorgánaid rolla doarjjameannudeamis” das badjelis.

Orgána mii meannuda ohcamuša (BOF-stivra dahje Eanandoallodirektoráhtta delegašuvnna bokte) sáhttet mearridit čielgasit eavttuid doarjagii juolludanmearrádusas. Sáhtta ovdamearkka dihte biddjot áigemearri goas doaibmabidju galgá leat válbmanan dahje goas ohcci galgá raporteret ruđa golaheami. Dakkár gáibádus gohčoduvvo dávjá «lassieaktun». Lassieavttut fertejit leat guoskevaččat áššái ja eai galgga leat eahpegovttolaččat doaibmabiju ektui. Doarjjavuostáiváldis lea váidinvuoigatvuohta ja sáhtta vuosttaldit lassieavttuide hálddašanlága váidinnjuolggadusaid mielde.

§ 1-10. Máksin

Eanandoallodirektoráhta máksá 50 proseantta doarjagis doarjjamiediheami oktavuodas jus eará ii leat mearriduvvon ovttaskas ortnega dáfus. Loahppa máksojuvvo maŋnel go Eanandoallodirektoráhta lea dohkkehuvvon sisasáddejuvvon rehketdoalu ja duođaštusaid.

Geavakeahtes, juolluduvvon doarjja máhcahuvvo Boazodoalu Ovddidanfondii.

Kilde: [Forskrift for Reindriftens Utviklingsfond](#) (Lovdata)

Kommentárat mearrádussii

Vuosttaš lađas: Máksin

Dábálaččat máksojuvvo 50 proseantta dalle go doarjjaohcamuššii juolluduvvo ruhta. Muhtun ortnegiin leat sierra mearrádusat máksimii.

Loahppadoarjja máksojuvvo go rehketdoallu ja duođaštusat leat sáddejuvvon ja dohkkehuvvon. Rehketdoallu ja duođaštusat lea dohkkehuvvon go Eanandoallodirektoráhtta lea guorahallan ahte lea go olles doarjja golahuvvon ja oktiivástidii go ulbmiliin, juolludaneavttuid ja/dahje ohcamuša ruhtadanplána.

Juolludanmearrádussii galgá biddjot áigemearri rehketdoalu ja duođaštusaid sisasáddemii. Áigemearri galgá leat realisttalaš, nu ahte ii gárta váttisin dahje veadjemeahtumiin ohccái doallat áigemeari. Govttolaš áigi lea dábálaččat golbma mánu maŋnel go doaibmabidju lea čađahuvvon. Áigemearri sáhtta liikka rievddadit das ahte makkár ortnegii ohcamuš gullá.

Muhtun ortnegiin leat sierra mearrádusat áigemeariide ja duođaštusgáibádusaide. Dat áigemearit ja gáibádusat čužžot dábálaččat áššemearrádusas. Lea liikka doarjjavuostáiváldi ovddasvástádus doallat gustovaš áigemeariid ja sáddet dárbbášlaš duođaštusaid áigemeari siskkobealde.

Nubbi lađas: Geavatkeahtes doarjja

Geavatkeahtes, juolluduvvon doarjja galgá máhcahuvvot Boazodoalu ovdánahttfondii. Gávdnojit guovttelágan vuogit máhcahit:

- Doarjja lea juolluduvvon, muhto ii leat máksojuvvon. Ohcci oažžu sierra reivves dieđu ahte doarjja máhcahuvvo BOF:ii – ášši loahpahuvvo.
- Doarjja lea juolluduvvon ja máksojuvvon. Ohcci oažžu dieđu ovdagihtii ahte doarjja gáibiduvvo ruovttoluotta máksojuvvot, vrd. hálddašanlága § 16. Maŋnel vejolaš cealkámuša ohccis dahká Eanandoallodirektoráhtta áššemearrádusa ja čuovvola ášši.

Doarjja adnojuvvo geavatkeahtes doarjjan jus:

- Ohcci ii leat álggahan doaibmabiju ovdal áigemeari, ovdamearkka dihte golbma jagi dan rájes go doarjja juolluduvvui áiderusttegiid váste, vrd. § 3-3.

- Ohcci ii leat ožžon maŋiduvvon áigemeari sáddet sisa duođaštusaid das mo doarjja lea geavahuvvon
- Ohcci dieđiha ahte doarjja ii leat geavahuvvon

§ 1-11. Dieđihangeatnegasvuohta ja bearráigeahčču

Doarjjaoažžut leat dán njuolggadusa mielde geatnegahtton addit buot dieđuid maid boazodoalloeiseválddit oidnet dárbbaslažžan doarjjaortnegiid hálddašeami olis.

Boazodoalloeiseválddit sáhttet čadahit báikkálaš bearráigeahčču doarjjaoažžu luhtte.

Gáldu: [Forskrift for Reindriftens Utviklingsfond](#) (Lovdata)

Kommentárat mearrádussii

Vuosttaš lađas: Dieđihangeatnegasvuohta

Dan mearrádusa vuodul sáhtta Eanandoalldirektoráhtta/BOF-stivra dušše gáibidit dieđuid mat leat guoskevaččat áššegieđahallamii dihto áššis/dihto ortnega hálddašeapmái BOF-njuolggadusa mielde. Dábálaččat leat dakkár dieđut leat vuodđun rievttis meannudeapmái áššis ja duođaštusat dagahit ahte lea vejolaš dárkkistit ahte doarjja geavahuvvo nu go áššemearrádusas čuožžu.

Boazodoalloeiseválddit eai sáhte bágget dieđihangeatnegasvuođa. Go gáibida dieđuid oažžut § 1-11 mielde ferte áššemeannudeaddji čujuhit hálddašanlága § 14. Son guhte oažžu áššemearrádusa gohččumiin sáddet dieđuid sáhtta váidit áššemearrádusa jus ii leat ovttá oaivilis dasa. Váidaga ferte buktit ovdan čálalaččat dahje njálmmálaččat maŋemusat golbma beaivvi dan rájes go oaččui gohččuma. Dieđut váidima birra addojuvvojit ohccái seammás go dieđuid gohččun addojuvvo.

Jus ohcci ii atte dárbbaslaš dieđuid ášši meannudeami oktavuodas, ovdal go áššemearrádus dahkko, vuodđuduvvo árvoštallan daidda dieđuide mat gávdnojit. Dieđuid vátni sáhtta dagahit ahte ohcamuš hilgojuvvo. Dat ii mearkkaš ahte ohcci ii sáhte sáddet ođđa ohcamuša eará háve.

Nubbi lađas: Dárkkisteapmi

Báikkálaš dárkkisteapmái dihte áššis galgá árvoštallojuvvot individuálalaččat, dat doaibmabidju lea eambbo duođalaš go dieđuid sisasáddengohččun.

Šiehtadanbealit leat láhkaásahusčoahkkimis geassemánu 13. beaivvi 2012 deattuhan ahte čálalaš ášševuojeheapmi lea váldonjuolggadus. Dan dihte galgá báikkálaš dárkkisteapmi geavahuvvot dušše dalle go eahpida ášši dieđuid. Dakkár dárkkistemiide maddái gusto hálddašanláhka § 14, geahča ovddit čuoggá.

Jus Eanandoalldirektoráhtta vállje čadahit girjedárkkisteami dahje sullasaš doaimma mii ii gula almmolaš kantuvrii, de dat guoská hálddašanlága § 15 dárkkisteami birra. Dan mearrádussii gusket seamma njuolggadusat dieđuid ja váidima birra go hálddašanlága § 14. Son gii jođiha dakkár dárkkisteami galgá earret eará dieđihit dárkkisteami ulbmila ja makkár láhkavuodđu dasa lea. Sii geat vásihit dárkkisteami, sis lea vuoigatvuohta diktít ovttá vihtána leahkit báikkis, ja galget dieđihuvvon dan vuoigatvuođa birra ovdal dárkkisteami čađaheami.

§ 1-12. Boasttomáksimiid njulgen

Boazodoalloeiseválddit sáhttet njulget boasttuvuoðaid máksojuvvon doarjagiin, juogo manjelmáksimiid bokte dahje doarjaga ruoktotmáksingáibádusa bokte doarjjaoažžus.

Gáldu: [Forskrift for Reindriftens Utviklingsfond](#) (Lovdata)

Kommentárat mearrádussii

Gávdnojit guovttelágan vuogit geavahit mearrádusa:

- Eanandoallodirektoráhtta fuomáša ahte lea máksojuvvon beare unnán doarjja áššemearrádusa ektui.
- Eanandoallodirektoráhtta/BOF-stivra dahká áššemearrádusa unnideamis dahje ruovttoluottamáksimis.

Ruovttoluottamáksimis dahje unnideamis ii sáhte § 1-12 mielde dahkkot áššemearrádus. Doarjaga ruovttoluottamáksima áššemearrádus sáhtta dušše dáhpáhuvvat go lea dahkkon áššemearrádus unnideamis njuolggadusa § 1-13 mielde, dahje doarjaga birra áššemearrádus rievdaduvvo go čájehuvvo ahte ohcci ii ollašuhtten doarjaga eavttuid go ozai doarjaga.

Doarjaga manjilmáksin ohccái

Go Eanandoallodirektoráhtta fuomáša ahte boasttuvuoða dihte lea máksojuvvon beare unnán doarjja ohccái, de direktoráhtta máksá differánssa supmis mii lea juo mákson ja áššemearrádusa supmis. Eanandoallodirektoráhtta diediha manjilmáksima birra, áššemearrádusa dahkama haga.

Váldonjuolggadus lea ahte olles differánssa máksojuvvo ohccái jođáneamos lági mielde go boasttuvuohta lea fuomášuvvon, juogo ohcci fuomášumi dihte, dahje go direktoráhtta fuomáša boasttuvuoða dárkkisteami dahje áššemeannudeami bokte.

Gáibádus doarjaga ruovttoluottamáksimis

Makkár oktavuoðaide guoská mearrádus?

Dadjanvuogi mielde guoská § 1-12 buot oktavuoðaide go ohccái lea máksojuvvon beare ollu doarjja, maiddá dalle go ohcci ii leat sivalaš boasttumáksimii. Ovdamearkka dihte sáhtta boasttuvuohta dáhpáhuvvan hálldahusa bokte máksima oktavuoðas.

Váldonjuolggadus lea ruovttoluottamáksin

Eanandoallodirektoráhta ovddasvástádus lea áittardit ahte stáda ruhtajuolludeapmi dáhpáhuvvá lágaid ja njuolggadusaid mielde. Váldonjuolggadus lea dan dihte ahte doarjja mii lea máksojuvvon badjel meari galgá gáibiduvvot ruovttoluotta máksojuvvot. Eanandoallo- ja biebmodepartemeantta logai váidináššis ahte galget erenoamáš buorit vuhtiiváldimat ruovttoluottamáksingáibádusas spiehkastit.

Mearrádus lea “sáhtta-mearrádus”, mii mearkkaša ahte BOF-stivra dahje Eanandoallodirektoráhtta galgá konkrehtalaččat árvvoštallat govtolašvuoða gáibidit ruđa ruovttoluottamáksjuvvot dihto áššis. Árvvoštallanfáddán lea sihke ruovttoluottamáksingáibádusa ásaheapmi ja vejolaččat maiddá man olu galgá gáibiduvvot ruovttoluotta máksojuvvot. Konkrehtalaš árvvoštallamis galgá BOF-stivra dahje Eanandoallodirektoráhta iskat vejolašvuoða rievdadit dahje sihkkut doarjjaáššemearrádusa hálldašanlága § 35 vuodul.

Muhtun hárvenaš dilálašvuoðaid sáhtta leat vejolaš ahte doarjja ii gáibiduvvo ruovttoluotta máksojuvvot. Váldoeaktun dása lea ahte ohcci duoðas jáhkii ahte boasttumáksin lei riehta. Ovdamearkka dihte sáhtta boasttumáksin leamaš Eanandoallodirektoráhta boasttuvuohta, ja ohccis ii lean ágga jáhkkit ahte máksin lei boastut.

Eatnasat geat ohcet doarjaga BOF-njuolggadusa vuodul leat iešheanalaš ealáhusdoallit, ja sin várrogasvuhtii leat alla gáibádusat. Ohcciin gáibiduvvo viiddis máhttovuoddu njuolggadusain mat gustojit iežaset doibmii, ja ahte ohccit ohcet gustovaš njuolggadusaid mielde doarjjajuolludeami ektui. Praktikhas dat mearkkaša ahte leat unnán dilálašvuodát go ohcci sáhtta leamaš várrogas buori jáhkus.

Go BOF-stivra/Eanandoalldirektoráhtta árvvoštallá ruovttoluottamáksima, galget čuovvovaš vuhtiiváldimat vihkkeallojuvvot nubbi nuppi ektui:

- rievttis rehkenastin ja
- sihkkaris hálddašeapmi almmolaš ruđain

vihkkeallojuvvot čuovvovaš čuoggáid ektui:

- ohcci persovnnalaš oktavuodát ja láhtten (mieđai go maŋnel máksima je.)
- áigi mii lea vássán boasttumáksima rájes
- Eanandoalldirektoráhta bagadallan áššis (lea go doarjjavuostáiváldi ohcan bagadallama, man buorre bagadallan lea leamaš)
- boasttuvuodát hálddašeamis

Sáhttet maiddáai leat eará áššáiguoskevaš oktavuodát mat galget leat mielde konkrehta ášši árvvoštallamis.

Boasttumáksindilálašvuodain lea doarjjavuostáiváldi ožžon doarjaga mii ii lean vuoigaduvvon sutnje. Eanandoallo- ja biebmodepartemeantta lea lohkan ahte vuhtiiváldin rievttis rehkenastimis ja sihkkaris hálddašeamis almmolaš ruđain lea dehálabbot go vuhtiiváldit ahte vuostáiváldi sáhtta jáhkkgaohtán ahte máksin lei riektá.

Áššemeannudeapmi áššiin main doarjja galgá máksojuvvot ruovttoluotta

Jus Eanandoalldirektoráhtta lea mearridan ahte máksojuvvon doarjja galgá gáibiduvvot ruovttoluotta máksojuvvot, de galgá álgoálgosaš doarjjamearrádus rievdaduvvot hálddašanlága § 35 vuodul, jus eavttut rievdadit mearrádusa leat sajis oktasaš áššis.

Áššemearrádusa rievdadeapmi mii dagaha ruovttoluottamáksima máksojuvvon doarjagis rehkenastojuvvo vahágiin vuostáiváldái. Jus boasttuvuohta fuomášuvvo maŋnel go doarjjavuostáiváldi lea ožžon dieđu áššemearrádusa birra, de lea dábálaččat rievdadeapmi dušše vejolaš jus áššemearrádus lea eahpegustojeaddji, vrd. hálddašanlága § 35 vuosttaš lađas bustávva c.

Dakkár áššiin main lea máksojuvvon beare ollu doarjja boasttuvuođa dihte, dain boasttuvuohta dábálaččat lea mearridan áššemearrádusa sisdoalu. BOF-stivrras dahje Eanandoalldirektoráhtas váilu dakkár oktavuodain láhkavuoddu juolludit doarjaga, go doarjaga eavttut eai leat ollašuvvan. Eahpegustojeaddji áššemearrádus mas váilu láhkavuoddu rehkenastojuvvo eahpegustojeaddjin.

Ovdal go áššemearrádus sáhtta rievdaduvvot, de galgá sáddejuvvon dieđáhus ovdagihtii doarjjavuostáiváldái hálddašanlága § 16 vuodul. Ovdagihtii dieđáhusas galgá dieđihuvvot

- guhtemuš doarjjamearrádussii ášši gusto
- ahte árvvoštallojuvvot rievdadit áššemearrádusa
- manne rievdadus áššemearrádusas árvvoštallojuvvot
- man ollu galgá gáibiduvvot ruovttoluotta máksojuvvot (olles dahje oassi doarjagis)

- rievdadusa váikkuhusat, ovdamearkka dihte ahte doarjja galgá gáibiduvvot rehkega bokte dahje rehkenastojuvvot eret boahhtevaš doarjjamáksimiin
- doarjjavuostáiváldi vejolašvuohta cealkámuša addit áššis, ja cealkámuša áigemearri. Áigemearri berre mearriduvvot vai doarjjavuostáiváldis oažžu doarvái áiggi áimmahuššat iežas beroštumiid.

Áššemearrádusat sihke rievdadeami birra hálddašanlága § 35 vuodul ja ruovttoluottamáksima birra njuolggadusa § 1-12 leat eanjkilmearrádusat. Doarjjavuostáiváldi sáhtta váidit goappaš áššemearrádusaid, oktasaččat dahje sierra, ja galgá ožžon váidima birra dieđuid seamma reivves go rievdadeami birra mearrádus.

§ 1-13. Unnideapmi ja doarjaga dollen

Jus ohcci fuollameahttumit lea addán boasttu dahje váilevaš dieđuid doarjjaohcamis mii lea dahje livččii sáhtán dagahit ahte doarjja máksojuvvo eahpevuoiggalaččat, de sáhtta doarjja ollásit dahje belohahkii unniduvvot.

Jus doarjjaoažžu boazodoalloeiseválddiid mearrádusa mielde doaibmá dahje lea doaibman fuollameahttumit dahje eaktodáhtolaččat boazodoalloealáhusa lágaid dahje njuolggadusaid vuostá, de sáhtta doarjja ollásit dahje belohahkii dollejuvvo dassáži go dilli lea njulgejuvvo. Jus rihkkuma olis lea leamaš roavva fuollameahttuvuohta dahje eaktodáhtolašvuohta, de sáhtta doarjja ollásit dahje belohahkii unniduvvot.

Gáldu: [Forskrift for Reindriftens Utviklingsfond](#) (Lovdata)

Kommentárat mearrádussii

Mii lea unnideapmi ja mii dan ulbmil lea?

Unnideapmi mearkkaša ahte Eanandoalldirektoráhtta/BOF-stivra unnida doarjjasupmi mii álgoálggus lei vuoigaduvvon ohccái. Jus ohcci ii ollašuhte eavttuid oažžut doarjaga, de galgá ohcamuš hilgojuvvo. Dat ii leat unnideapmi.

Bajit mihttu unnidemiin lea sihkkarastit dohkálaš hálddašeami almmolaš ruđain. Go lea vejolaš oažžut unnit doarjaga jus leat boasttodieđut dahje váilot dieđut ohcamušas, de ohcci čavge iežas várrogasvuoda go deavdá ja sádde ohcamuša, ja doarjjaoažžut čuvvot gustovaš njuolggadusaid. Unnideamis ii leat ránggášteaddji ulbmil ja dan dihte dat ii leat ránggáštus ránggáštusrievttálaččat.

Eanandoalldirektoráhtta “sáhtta” unnidit doarjaga, muhto galgá álo árvvoštallat unnideami

Mearrádus lea “sáhtta”-mearrádus, mii mearkkaša ahte dat gullá hálddašeami friija árvvošteapmi unnideami birra. Vaikko mearrádus lea hábmejuvvo “sáhtta”-mearrádussan, de lea čielga vuolggasadji ahte unnideapmi galgá dahkkot jus ohcci lea rihkkon namuhuvvon njuolggadusain.

Vuosttaš lađas: Unnideapmi boasttudieđuid geažil

§ 1-13 vuosttaš lađasa mielde sáhtta doarjja unniduvvot jus doarjjavuostáiváldi lea fuollameahttumit dahje iešdáhtolaččat addán boasttu- dahje váilevaš dieđuid ohcamušas, ja dat dieđut leat dahje livčče sáhtán dagahit boasttumáksima doarjagis.

Go Eanandoallodirektoráhtta fuomáša ahte ohcci lea addán boasttudieđuid ohcamušas, de galgá álo árvvoštallojuvvot unnideapmi § 1-13 vuosttaš lađđasa vuodul. Unnidanmearrádus lea earjilmearrádus, vrd. hálddašanlága § 2, ja ohcci sáhtá váidit.

Jus Eanandoallodirektoráhtta/BOF-stivra galgá sáhttit dahkat áššemearrádusa unnideami birra mearrádusa vuodul, de galget dihto eavttut ollašuvvat.

Gáibádus boasttudieđuid birra ja váikkuhusat áššemearrádussii

Diehtu mii ii leat riekta (boasttudiehtu) lea go dan maid lea čállán ohcamuššii ii oktiivástit duohta diliin. Váldonjuolggadus lea ahte ohcci ferte deavdit rievttis dieđuid jus galgá leat vuoigaduvvon doarjgii.

Jus ohcci lea aiddostahtán dahje čilgen duohta dili kommentárasuorgái dahje eará vuogi mielde, de ferte konkrehtalaš árvvoštallama bokte mearridit lea go ohcci addán boasttudieđuid vai ii. Jus dieđut ohcamušas dagahit ahte áššemeannudeaddji sáhtá meannudit ášši rievttis diehtovuoduin, de galget buorit ákkat sivahit ohcci boasttudieđuid addimis mat livčče sáhtán dagahit vuodu boasttumáksiidda. Unnideami vuodđun lea ahte boasttudiehtu galgá dagahan – dahje livčče sáhtán dagahit – ahte ohcci oaččui eanet doarjaga go dan masá sus lei riekti oažžut.

Guovddážis mearrádusas lea go Eanandoallodirektoráhtta beitoa dilálašvuodaid main boasttudieđut leat bohtán ovdan, áššemeannudeami dahje dárkkisteami bokte, joga automáhtalaš rutiinnaid bokte dahje riskavuđot dárkkisteami bokte. Jus ohcci ieš muitala boasttuvuođa birra, ovdal go Eanandoallodirektoráhtta lea váldán oktavuoda, de lea váldonjuolggadus ahte doarjja ii berre unniduvvot.

Ohcci galgá láhtten “fuollameahttumit dahje iešdáhtolaččat”

Boahte eaktu lea ahte lea go ohcci addán boasttudieđuid “fuollameahttumit dahje iešdáhtolaččat”. Dat mearkkaša ahte doarjja ii sáhte unniduvvot jus ohcci lei várrogas buori jáhkus go boasttudiehtu addojuvvui. Ohcci lea várrogas buori jáhkus go ii diehtán dahje ii livčče galgan diehtit ahte diehtu ohcamušas lea boastut.

Doarjjavuostáiváldit njuolggadusa vuodul leat dábálaččat iešheanalaš ealáhusdoallit, ja sidjiide leat alla gáibádusat várrogasvuhtii. Doarjjavuostáiváldi sáhtá dan dihte háreve addit boasttudieđu. Vurdojuvvo ahte doarjjavuostáiváldi máhtá doaimmas bures ja njuolggadusaid mat gusket doibmii. Jus doarjjavuostáiváldis leat váttisvuodát ipmirdit ohcanskovi, de vurdojuvvo ahte son váldá oktavuoda Eanandoallodirektoráhtain buori áiggis ovdal áigemeari.

Okta ovdamearka goas ohcci sáhtá jáhkán ahte boasttudiehtu lei riekta, lea go juolluduvvon submi spiehkasta nu unnán rievttis supmis ahte ohcci ii sáhte sivahallojuvvot go ii fuomášan boasttuvuođa.

Go ohcci ii leat leamaš buori jáhkus, de lea juogo fuollameahttunvuolta dahje iešdáhtolašvuolta.

Fuollameahttunvuolta

Mearrádus § 1-13 vuosttaš lađđasis fáttmasta nu gohčoduvvon earjkilis fuollameahttunvuolta. Earjkilis fuollameahttunvuolta lea go doarjjavuostáiváldi láhtten lea spiehkastan láhttemis man dábalaš várrogas olmmoš seamma dilálašvuodas livčče dahkan.

Go árvvoštallá fuollameahttunvuodagáibádusa, de galgá vuhtiiváldimiid vihkkeallat, maiddá dan ahte lei go ohcanskovi, njuolggadusat dahje ledje go eará dieđut eahpečielgasat, ja livčče go dat

eahpečielggasvuohta sáhtán dagahit ahte ohcci eahpidii dulkodettiin. Ovddeš práksisa, go várrogasvuođagáibádus lea árvoštallojuvvon, maddái váldo vuhtii.

lešdáhtolašvuohta

lešdáhtolašvuođa árvoštallan lea subjektiivalaš árvoštallan. Das oaivvilduvvo ahte Eanandoalldirektoráhtta/BOF-stivra ferte eaŋkiláššis veadjehahttit ahte doarjjavuostáiváldi láhttema bokte lea iešmielaid geahččalan oažžut eahpevuoigaduvvon máksima doarjagis. Gáibiduvvo áššálaš sivvaoktavuohta dagu ja eahpevuoigaduvvon máksima gaskkas.

Unnideami mearri

Eanandoalldirektoráhtta/BOF-stivra sáhtá unnidit “olles dahje oasi doarjagis”. Váldonjuolggadusa lea ahte doarjja galgá unniduvvot supmiin mii oktiivástida eahpevuoigaduvvon máksimiin. Ovdamearkka dihte, jus boasttudiehtu dagahii ahte doarjjavuostáiváldi oaččui 10 000 ruvnno eahpevuoigaduvvon doarjjan, de galgá doarjja unniduvvot 10 000 ruvnnuin.

Áššemeannudeaddji galgá álo árvoštallat govtolašvuođa ja heivvolašvuođa unnidit supmiin mii oktiivástida eahpevuoigaduvvon máksimiin eaŋkiláššis, vai galggašii go unnidansubmi lasihuvvot dahje unniduvvot.

Ovdamearkka dihte berre unnidansubmi lasihuvvot jus ohcci lea addán boasttudieđuid mángga ohcamušas. Jus eahpevuoigaduvvon máksima mearri šaddá beare ollu boasttudieđu ektui, de sáhtá mearkkašit ahte unnidansubmi galgá biddjot unnibun go lassimáksin.

Submi mii unniduvvo ii sáhte goasse leamaš eambbo go ohcci doarjjamáksimat dan dihto ohcanáigodagas. Das oaivvilduvvo ahte unnidansubmi ii sáhte leat eambbo go doarjjamáksin, vai doarjjavuostáiváldi ii šatta vealgugassan Eanandoalldirektoráhtti/BOF-stivrii eanet ruđaid go ohccojuvvon doarjaga submi.

Nubbi lađas: Doarjaga dollen ja unnideapmi go njuolggadusat leat rihkkojuvvon

Vuosttaš čuokkis: Doarjaga dollen go njuolggadusat leat rihkkojuvvon

Mearrádus § 1-13 nubbi lađas vuosttaš čuokkis gusto oktavuođaide go doarjjavuostáiváldi jodiha doaimmas dahje lea jodihan doaimmas dainna lágiin ahte rihkku lágaid dahje njuolggadusaid boazodoalloealáhusa váras. Dakkár oktavuođain go fuollameahttumit dahje iešdántolaččat lea dahkan dan, de sáhtá Eanandoalldirektoráhtta/BOF-stivra doalahit doarjaga dassáži lobihis doaimma lea njulgejuvvon.

Jus Eanandoalldirektoráhtta galgá sáhttit geavahit mearrádusa § 1-13 nuppi lađđasis vuosttaš čuoggás, galget dihto eavttut leat ollašuvvan.

Eaktu boazodoalu lágaid dahje njuolggadusaid rihkkuma birra

Boazodoalloealáhusa lágat ja njuolggadusat galget leat rihkkojuvvon. Lassin boazodoalloláhkii gullelaš njuolggadusaiguin ja boazodoallošiehtadusa njuolggadusaiguin, de sáhttet dakkár njuolggadusat leat ovdamearkka dihte elliidčálgoláhka gullelaš njuolggadusaiguin.

Dan ahte galgá leat rihkkojuvvon mearkkaša ahte galgá dahkkon áššemearrádus gos boahtá ovdan ahte doarjjavuostáiváldi lea rihkkon njuolggadusaid. Hálddašanlága vuolggasadji lea ahte áššemearrádus galgá dahkkot dakkaviđe, nu ahte lobihis doaimmat § 1-13 nuppi lađđasa vuodul leat ain lobihis doaimmat vaikko áššemearrádus lea váidojuvvon, earret go jus áššemearrádus lea maŋiduvvon hálddašanlága § 42 vuodul.

Gáibádus sivalášvuoda birra

Áššemearrádušas galgá boahit ovdan ahte boazodoalu njuolggadusat leat rihkkojuvvon, ja doarjjavuostáiváldi galgá ipmirdan ahte lea rihkkon njuolggadusaid. Mearráduš § 1-13 nubbi lađas vuosttaš čuokkis, mas Eanandoalldirektoráhtta sáhtta dollet doarjaga, gáibida ahte doarjjavuostáiváldi ferte čájehan earjkilis fuollameahtunvuoda dahje iešdáhtolašvuoda.

Eanjkilis fuollameahtunvuoda birra

Eanjkilis fuollameahtunvuoda lea go doarjjavuostáiváldi lea láhtten eará ládje go dan maid dábalaš várrogaš olmmoš seamma dilálašvuodas livčče dahkan.

Doarjjavuostáiváldit leat njuolggadusa vuodul iešheanalaš ealáhusdoallit, ja doarjjavuostáiváldái leat garra gáibádusat várrogašvuhtii. Ii leat dávjá ahte doarjjavuostáiváldi sáhtta rihkkon njuolggadusaid iežas doaimmas fuollameahtunvuoda haga. Vurdojuvvo ovdamearkka dihte ahte doarjjavuostáiváldi dovda bures iežas boazodoalu ja njuolggadusaid mat gusket boazodollui.

Fuollameahtunvuoda birra

Fuollameahtunvuoda árvvoštallan lea subjektiiivalaš. Mii fuollameahtunvuoda lea, čilgejuvvo kommentárain § 1-13 – Eanjkilis fuollameahtunvuoda birra.

Man ollu doarjja galgá dollejuvvot?

Eanandoalldirektoráhtta ferte ovttaskas áššis árvvoštallat man ollu doarjja galgá dollejuvvot. Váldonjuolggadus lea ahte submi mii dollejuvvo galgá leat dan mađe stuoris ahte doarjjaoažžu movttiiduvvo njulget lobihisvuodaid iežas boazodoalus, muhto ii nu stuoris ahte lea hirbmat eahpegovttolaš dahje dagaha ahte gáržžida doarjjaoažžu ekonomijja eahpegorálaččat.

Dollenváldi sihkkorjuvvo go ohcci lea njulgen dilálašvuoda

Jus ohcci lea njulgen dilálašvuoda ja ásahan lobálaš boazodoalu, de ii sáhte šat Eanandoalldirektoráhtta/BOF-stivra doalahit doarjaga. Dat mearkkaša ahte eiseválddit gohččun njulget lobihis dilálašvuodaid mat ollašuvvet ohcanáigemuttus, ii sáhte leat vuodđun doalaheapmái.

Doarjjavuostáiváldi galgá duođaštit ahte lobihis dilálašvuoda lea njulgejuvvon. Das oavvilduvvo ahte doarjjavuostáiváldi ferte háhkat dieđuid ja duođaštusaid mat leat dárbbaslaččat duohtandahkat ahte lobihis dilálašvuoda lea njulgejuvvon. Ovdamearkka dihte, doarjjavuostáiváldi sáhtta sáddet áššemearrádusa mas čuožžu ahte su boazodoallu lea lobálažžan šaddan

Nubbi čuokkis: Doarjaga unnideapmi go njuolggadusat rihkkojuvvojit

§ 1-13 nuppi lađđasa nuppi čuoggá vuodul sáhtta Eanandoalldirektoráhtta/BOF-stivra unnidit olles dahje oasi doarjagis jus doarjjavuostáiváldi boazodoalloeiseválddit áššemearrádusa mielde doaimmaha dahje doaimmahii boazodoalus dakkár vugiin ahte rihkku boazodoalloealáhusa lágaid ja njuolggadusaid, ja lea duođalaš fuollameahtunvuodain dahje eaktodáhtolaččat rihkkon.

Mearrádušas lea seamma árvvoštallanfáddá go § 1-13 nubbi lađas vuosttaš čuokkis, muhto lea roavvásit njuolggadusrihkumiidda. Erohussan § 1-13 nubbi lađas vuosttaš čuokkis doalaheami birra, de sáhtta unnideapmi § 1-13 nubbi lađas nubbi čuokkis dahkkot vaikko lobihis doaimma lea njulgejuvvon, jus rihkkun lei doarvá roavis dasa.

Árvvoštallan eavttuin njuolggadusrihkuma mii lea duodaštuvvon boazodoalloeiseválddit áššemearrádusaid ja siva gáibádusas, čujuha kommentáraide § 1-13 – Eavttut boazodoalloealáhusa láhka- dahje njuolggadusrihkuma birra ja Gáibádus čájehuvvon sivas.

Duodalaš fuollameahttunvuoda ja eaktodáhtolašvuoda birra

Duodalaš fuollameahttunvuoda dárkkuha dihto spiehkastaga dábálaš láhttenvuogis dábálaš várrogas olbmo láhttemis gii lea seamma sajádagas ja dilálašvuodas. Árvvoštallan lea objektiivvalaš. Árvvoštallojuvvo seamma ládje go earhkilis fuollameahttunvuoda, muhto dilálašvuodain go doarjjavuostáiváldi duodalaš fuollameahttunvuodain láhtten, de berre doarjjavuostáiváldi daguid bokte čájehit gáhtama.

Eaktodáhtolaš riikkuma árvvoštallan lea subjektiivvalaš. Dat mearkkaša ahte Eanandoallodirektoráhtta/BOF-stivra ferte dihto áššis duohtan dahkat ahte doarjjavuostáiváldi lea doaimmahan dahje doaimmaha boazodoalus dakkár vuogi mielde mii riikku boazodoalloealáhusa lágaid dahje njuolggadusaid.

Muhtun oktavuodain dat lea celkojuvvon boazodoalloeiseválddit áššemearrádusas njuolggadusrihkuma birra. Eará oktavuodain sáhtta leat váttis árvvoštallat dan ahte lea go leamaš eaktodáhtolaš riikkun. Danin lea buoret ahte áššemeannudeaddji árvvoštallá dilálašvuoda duodalaš fuollameahttunvuoda gáibádusaid mielde, go dat lea objektiivvalaš árvvoštallan.

Eanandoallodirektoráhtta/BOF-stivra galgá čadahiit konkrehtalaš árvvoštallama juohke ovttá áššis

Vaikko vuolggasadji lea ahte galgá čadahuvvot unnideapmi go njuolggadusat namuhuvvon § 1-13 nuppi lađžasis leat riikkojuvvon, de ferte Eanandoallodirektoráhtta/BOF-stivra liika čadahiit konkrehtalaš árvvoštallama juohke ovttá áššis árvvoštallan dihte galgá go unnidit doarjaga vai ii. Dasa lassin ferte Eanandoallodirektoráhtta/BOF-stivra árvvoštallat man ollu doarjjasupmis galgá unniduvvot.

Árvvoštallama galgá dahkat vihkkedettiin áššáiguoskevaš momeanttaid. Norgga riekti gáibida ealáhusdoliin eanet várrogasvuoda, vurdojuvvo ahte lágat ja njuolggadusat main lea njuolggomearkkašupmi ealáhusdoalli doibmii, čuvvojuvvojit.

Unnideami supmi ceahkki berre lassánit dego duodalašvuoda dagus, mii dagahii gustovaš njuolggadusaid riikkuma, oktan doaibmaekonomalaš váikkuhusaid árvvoštallamiin áššáiguoskevaš doarjjavuostáiváldái. Áimmahuššan dihte ovttadássásaš meannudanprinsihpa, de berre geahččat mo eará sullasaš áššit leat meannuduvvon. Unnideami árvvoštallan áššiin maid leat seammalágan dieđut galgá leat seammalágan beroškeahhtá gos Norggas ohcci doaimmaha boazodoalu.

Submi mii unniduvvo ii sáhte goasse leat stuorát go ohcci doarjjamáksámuš dan dihto ohcanáigodagas. Dat mearkkaša ahte unnidansubmi ii sáhte leat eambbo go doarjjamáksin, dainna lágiin ahte doarjjavuostáiváldi šaddá vealgugas Eanandoallodirektoráhttii/BOF-stivrii ruđa eanet go doarjaga maid ohcci lei ohcan

§ 1-14. Ruovttoluottamáksin- dahje unnidansupmi gáibideapmi

Máksojuvvon ruđa ja doarjjavuodu erohus, mii lea mearriduvvon máksojuvbot ruovttoluotta § 1-12 mielde dahje unniduvvot § 1-13 mielde, sáhtta gáibiduvvot máksojuvbot ruovttoluotta doarjjavuostáiváldis dahje dollejuvbot boahttevaš doarjjamáksiimiin.

Gáibádusat boazodoalloeiseválddiin sáhttet dollejuvbot doarjjamáksiimiin doarjjavuostáiváldái.

Jus doarjjavuostáváldi ii lean várrogas buori jáhkus máksima hárrái, de sáhttet reanttut gáibiduvvot dan áiggi rájes go ruoktotmáksingáibádus lea ollen doarjjavuostáváldái. Jus lea roavva fuollameahtunvuohta dahje eaktodáhtolašvuohta, de sáhttet reanttut gáibiduvvot dan áiggi rájes go eahpevuoiggalaš doarjja lea máksojuvvon. Reantojuolgi galgá leat seamma go dat reantojuolgi maid Finánsadepartemeanta áigges áigái mearrida § 3 mielde lágas b. juovlamánu 17. b. 1976 nr. 100 reanttuid maŋŋonan máksimiid je. birra.

Gáldu: [Forskrift for Reindriftens Utviklingsfond](#) (Lovdata)

Kommentárat mearrádussii

Vuosttaš lađas: Ruovttoluottamáksima birra

Mearrádusas § 1-14 leat njuolggadusat ruovttoluottagáibideami birra differánssas máksojuvvon doarjagis ja dan supmis mii gáibiduvvo ruovttoluotta máksojuvvot áššemearrádusa unnideami ja ruovttoluottamáksima vuodul. Ovdal go ruovttoluottamáksin sáhtta gáibiduvvot, de ferte áššemearrádus doarjaga birra rievdaduvvot hálddašanlága § 35 vuodul. Geahča kommentáraid § 1-12 – Gáibádus doarjaga ruovttoluottamáksimis.

Nubbi lađas: Doarjjasupmis geassit eret

§ 1-14 nuppi lađđasis lea sierra láhkavuoddu dan birra ahte geassit eret boahttevaš doarjjasupmis. Dat mearkkaša ahte Eanandoalldirektoráhtta/BOF-stivra ii dárbbas geavahit lágeakehtes geassinjuolggadusaid dakkár oktavuodain.

Eanandoalldirektoráhtta/BOF-stivra galgá, boasttomáksojuvvon doarjjasupmi gáibideami oktavuodas, vuos sáddet rehkega mas boahtá ovdan man stuoris boasttumáksojuvvon submi lea. Easka dalle go rehket ii leat máksojuvvon áigemearrái, de sáhtta gessojuvvot eret boahttevaš doarjagis.

Ovdal go doarjjasupmis gessojuvvo, de galgá álo sáddejuvvon geassindiehtu sutnje geasa ruovttoluottamáksin guoská. Diehtu ii sáhte sáddejuvvot ovdalgo rehkega máksináigemearri lea gollán. Geassinmearrádus ii leat earhkilmearrádus ja dan ii sáhte váidit.

Válljet doarjagis geassit ruovttoluottamáksinsupmi dahje rehkega

Eanandoalldirektoráhtta dat vállje galgá go ruovttoluottamáksinsubmi gáibiduvvot rehkega boket ja dan čuovvoleapmi dahje gessojuvvot boahttevaš doarjjamáksámušaiguin.

Oallugat geat ohcet BOF-dorjagiid ožžot daid doarjagiid dušše oktii, vejolaččat maid oalle hárve, sáhttet leat mánga jagi máksámušaid gaskkal. Dakkár oktavuodain sáddejuvvo rehket boasttomáksojuvvon doarjaga ovddas.

Goalmmát lađas: Reanttut

Vuolggasadji Norgga riektivuogádagas lea ahte reanttut eai sáhte gáibiduvvot láhkavuodu haga. Dat mearkkaša ahte dihto njuolggadus ferte leat reanttuid birra njuolggadus jus daid galgá sáhttit gáibidit vejolaš ruovttoluottamáksingáibádusa bokte.

§ 1-14 goalmmát lađđasis lea rahppon vejolašvuohta gáibidit reanttuid ruovttoluottamáksima oktavuodas. Reanttuid mearri lohkojuvvo guovtti áigodaga vuodul:

- vuostáiváldit geat eai lean várrogasat buori jáhkus máksámuša birra – dan rájes go ruovttoluottamáksingáibádus bođii vuostáiváldái
- vuostáiváldit geat leat čájehan duođalaš eaktodáhtolašvuoda dahje rihkkuma – dan rájes go boasttumáksojuvvon doarjja máksojuvvui.

Goappaš oktavuodain lea reantojuolgi seamma go dat mii lea mearriduvvon lágas reanttuid birra go maŋŋona máksimiin § 3. Mearrádus galgá doaibmat insentiivan ohccái dieđihit boasttumáksojuvvon doarjaga, dan ovdii ahte doalahit doarjaga dassážii doarjjasupmi gáibiduvvo ruovttoluotta máksojuvvot. Njuolggadusas lea maiddá ulbmilin hehttet ahte boasttumáksámušat dáhpáhuvvet dan bokte ahte čavge ohcci várrogasvuoda go deavdá ja sádde doarjjaohcamušaid.

Eaktu ahte doarjjavuostáiváldi ferte láhtten eaktodáhtolaččat dahje fuollameahttumit mearkkaša ahte reanttut eai sáhte gáibiduvvot jus doarjjavuostáiváldi lei várrogas buori jáhkus.

§ 1-15. Váidin

Dán njuolggadusa áššemearrádusaid sáhtá váidit Eanandoallo- ja biebmodepartementtii hálddašannjuolggadusaid mielde.

Gáldu: [Forskrift for Reindriftens Utviklingsfond](#) (Lovdata)

Kommentárat mearrádussii

Áššemearrádusaid main lea láhkavuodđu BOF-njuolggadusas sáhtá váidit hálddašanlága mearrádusaid kapihtal VI mielde.

Eanandoalldirektoráhtta ráhkkanahttá ášši BOF-stivrii, geat árvoštallet ášši čoahkkimis. Jus BOF-stivra doalaha iežaset áššemearrádusa, de sáddejuvvo ášši Eanandoallo- ja biebmodepartementtii loahpalaš meannudeapmái.

Áššemearrádusat maid Eanandoalldirektoráhtta lea meannudan delegašuvnna bokte RUF-ášši 21/17 mielde meannuduvvojit seamma ládje go das bajábealde čilgejuvvon.

Son guhte ohcá doarjaga BOF-njuolggadusa mielde galgá oažžut dieđu váidima birra áššemearrádusas. Dieđut váidima birra galget sisttisoallat váidináigemeari ja gosa váidda galgá sáddejuvvot.